

四庫全書

史部

欽定四庫全書

萬壽盛典初集卷七十二

歌頌十二 詞臣四

萬壽頌 有序

翰林院侍讀 臣魏方泰

臣聞太極肇分上元初闢斗樞電繞華渚星流
暨白氣與黃雲越瑤光而石紐載諸信史各有
奇徵蓋寶籙之膺璇圖之握百神之主萬姓之

歸大德必昌禎符非偶欽惟

皇上乘乾出震體化含元其冒如天其容如地明同兩曜
信合四時義肅雷霆仁深膏雨禮節效高卑之
位樂和宣元始之音玉燭長調三靈薦祉金甌永固
六合凝禧羣臣莫得罄其光百姓莫能名其大
管窺蠡測天高海深維三月之芳辰際六旬之
大慶太清宮裏老君降集之期句曲山頭茅氏來游之
日冀堦舒暖杏苑敷榮熙熙萃率土之倫肅肅

展朝

天之禮鐘鳴九陌日邊氣益螭頭珮集千行天上雲開
雉尾仰光華之復旦睇景喬於重霄浩蕩春臺
幘幘夏屋鶯歌燕語相和

萬歲之聲鶴舞鸞翔盡佐

一人之慶況屬能言之類誰無效詠之思曩者文思安
安曾傳三祝令德憲憲載誦九如匪藉摛詞何
伸積忭謹拜手稽首而獻頌曰

良月佳辰天靄雲新昌期叶瑞誕生

聖人登三歲五自有其真

敦敏狗齊如璋如主質由天縱敬以日躋維耳則順

維齒則齟地寧天清探策得貞兩岐四穗連理

九莖乾符坤珍輻輳衆禎稚齒龐眉以恬以熙

綢繆四野太和所彌民咸引考

帝治無爲日浴龍光鑿齒之鄉無思不服山梯海航

天子萬壽來享來王劍珮雲屯鑪香曉溫瞳瞳旭景萬

戶千門歡聲四徹共祝

至尊絳甲四百四十有五昔以日計今當年數地久天

長永作民

主

萬壽無疆詞次唐臣楊巨源韻十首

附

聖主時幾勅

朝端庶事康條風敷愷澤旭日煥文章

駿烈超三古

鴻庥被萬方桃應千歲結枝是萬年長

輦路添新翠天街生遠香紅雲依

玉案朶朶捧

君王 其一

舊誦南山句今瞻

北闕前氣和蒸欲雨雲淡郁如煙瑞彩凝三秀薰風
肇五絃江山開壽域甲子紀周天貞下元重起
冬餘春復旋循環應不竭長衍大椿年 其二

燕喜逢青陸

龍光耀紫虛
氤氲平樂觀
肅穆上清居

萬歲樞長運
三春度又初
海仙籌滿屋

天子德爲車
苑樹浮煙外
宮花浥露餘
人情兼物象
匪

地是華胥

其三

九地風霆迅神機秘

紫宸盡湔殘
沴氣普沃太
平春蒐獮藏
深畧干戈本

至仁有心皆
舉踵如臂總
隨身版隸周
鰲極朝

班舞鴈臣

玉堦金殿下王會鎮常新

其四

永定安疏濬黃淮紀會同濤收千頃雪棹穩萬
帆風鴈驚依前浦魚龍戢遠空每經

親指授無不奏膚功河伯從人意塗山遜

聖聰試看江漢外何水不朝宗

其五

省土勞

宸矚常乘布德時晴煙方淡蕩曉日正舒遲徧慰三農

望如陳七月詩花封迎紫氣柳路轉青旗

天語溫偏近

龍顏喜更慈野人爭效祝咸得到堯墀

其六

文思先天密餘情寄墨林衆皆驚璀璨誰可測

高深翦鳳跳龍筆敲金戛玉音秘開千載鐫塵洗萬年

襟雲漢迴仙掌奎章在

帝心

聖齡天共永稽古惜分陰

其七

九重延寶祚百物飲天和地產嘉禾徧庖生扇脯多
雲璈鏘廣陛仙管叶鳴珂親聽鈞天奏遙連擊壤歌
政成春令得律應惠風過湛露隨靈雨

恩流浹海波

其八

極目韶華富蔥龍滿

帝京山如

仁者壽日爲

聖人明蕩蕩天同大欣欣物自生花攢

仙禁暖虹照

御溝晴玉漏春逾永瓊樓曉更清

舜衣章十二垂向五雲城其九

闢闔乾坤內生成不自知栽來同小草春到發
新枝金鏡慚無獻瑤觴喜共隨翰當花日染帶
傍桂山垂材薄承

恩厚

天高下聽卑虞廷從獸舞幸接鳳凰儀其十

萬壽詩

七言律八首
有序

翰林院侍講臣吳垣

臣聞帝治無爲與天同運王猷允塞久道化成
電繞虹流兆禎祥於五緯麟遊鳳舞延景祚於
萬年是以封祝三多雅歌百祿莫不光垂寶曆
慶浹寰瀛振古以來昌期僅覲欽惟

皇上

功弘覆載

德懋勲華

出震膺圖兼文武聖神而建極

乘乾御宇協平康正直以揆幾

至道凝自象先

洪恩覃乎物表

修明庶績登上理於穆清

保合太和奏時雍於熙皞固已聲靈烜赫愷澤滂洋

中外禔休神人效順矣茲當長春令序恭逢誕

聖嘉辰是日也

聖甲初周

貞符申錫榮光吉曜朝

北斗以呈祥虎拜嵩呼祝

南山而介祉玉帛竝陳於

闕下謳歌普匝於域中率土騰歡際天稱賀

臣 駑駘

菲質侍從末員海晏河清喜

一人之篤祐日升川至欣

萬壽之齊天勉綴蕪詞敬揚

大慶謹拜手稽首而獻詩曰

祥凝寶曆萬年春薄海朝宗玉帛陳

清禁雲移

三殿曉芳郊瑞靄百昌新天文炳煥輝南極

帝祚綿長拱北辰

聖主垂裳逢道泰稱觴薦壽戴洪鈞

其一

遲日光風繞建章鬱蔥佳氣萃禎祥

宮花耀彩瑤圖麗苑柳含煙紫陌長率土輸誠方物

獻普天叶慶頌聲揚太平

天子神堯聖億萬斯年樂未央

其二

世際文明上理時化成久道頌無爲體天不息

乾行健象日方中景曜遲

睿慮常周淵鑒徹神機獨運

衮衣垂山呼

聖壽登封日樂奏雲韶見鳳儀

其三

盛世車書四海同遐陬異域盡呼嵩經陳謨典綏猷
遠琛獻共球正朔通六服承流宣

聖化五辰效順協

神功昇平常奉

君王宴日映峯霞玉醴紅

其四

瑤壇肅穆旭光迎

聖主明禋昭事誠將享時親勤

玉輅苾芬上達繞霓旌農祥已卜豐年兆慶典還嘉

大禮成

聖壽齊天膺百祿

皇圖永固泰階平

其五

聖德如天蠲賜繁鴻庥覆育及元元祥風是處涵濡久
解澤無邊軫恤存萬物皆昌遊化國八方在宥

樂春溫共歡寰宇登仁壽仰祝難名

浩蕩恩

其六

盛朝特下求賢詔

曠典新開甲乙科曜日珠璣輝碧網章天奎壁燦銀

河彙征共喜茅茹拔俊造同升棧樸歌

壽考作人徵壽愷上陽春色五雲多

其七

道洽雍熙景運開

時巡豫動享王來神祇受職三辰正禮樂充庭萬國

陪和氣氤氲滋雨露

皇威赫濯象風雷

小臣

簪筆歌清晏率舞惟陳

萬壽杯

其八

萬壽詩

七言律十八首
有序

翰林院侍講原充日講官起居注在籍

臣

彭定求

欽惟我

皇上功德翔洽浩蕩難名久道化成覃敷遐邇胥震宇
而納諸仁壽之域應昌期而備集豫大之禎茲
當歲紀昭陽月中姑洗欣逢

萬壽大慶甲子初周貞元交會日升月恒與天齊永粵
稽自昔首出之君義農肇造黃顓繼興著發祥

之符越期頤之算及乎唐堯御世厯數彌長卓
冠百代乃至舜禹湯文迭躋遐齡竝膺景福先
聖後聖一揆同符要之維祺純嘏皆咸五登三
所由臻者也蓋德盛則報必隆厯綿則仁益溥
我

皇上稟生安之姿貫性天之學宵衣旰食言物行恒闡
理數之精微究經史之原本凡所以誠孚對越
敬懋覲揚敷文教播武威飭官方勤民事庶績

釐舉百度修明本無逸以居心體健行以合德
積久如一日也用是侯甸同風要荒順則苞符
協運川嶽呈祥

帝澤均霑乎率土

聖恩倍渥於吳疆

翠華所駐

綸綍弘宣廣薪樞以作人厚粟帛而養老虞周時巡
之典不是過也軫恤雨暘咨諏恒切頻蠲田賦

額踰億萬

簡任循良

洞悉民隱含哺鼓腹之倫歡呼愛戴靡不翹首跂足

喁喁向風曰

聖天子惠我黎元俾登諸衽席之上如此願得趨覲

闕廷以伸

萬壽無疆之祝臣定求草茅微賤知識淺陋食祿懷慙

跼伏田里

恩銜心版感刻肌銘朝夕焚香瞻

天尺五竊嘗誦詩至豳風之七月二雅之天保棫樸諸
什其所以頌美君上者莫不以眷壽萬年戩穀
錫嘏各致其纏綿愷摯之誠則此心此理之同
也仰見我

皇上以道法爲治法仁洽義周如三光照燭四氣涵濡
薄海內外是訓是行謳思無斁謹抒近體詩以
附於康衢擊壤之列

臣 蠡測管窺未能頌颺萬

一無任忻暢交并之至

璇厯遐昌

壽域中

聖皇端拱福攸同萬年方啟平成運八表咸歸茂育功
瑶殿星輝曾貫月丹山春永自流虹

天顏有喜瞻依近幸附輿歌表寸衷

其一

聖學高深德日新仔肩道統運經綸心傳一貫宗洙泗
理析羣言滙洛閩曉闢銅扉經篋啟宵分玉漏

秘圖陳光華復旦星雲燦萬類陶成荷大鈞 其

二

黼座精勤總萬幾未央月迴早求衣

聖謨默斷權衡定

睿慮弘周美備歸金匱宣揚垂典則石渠紀載覲

光輝於今九鼎銘勲日景曜凝祥煥

紫微其三

郊壇典禮肅齋誠昭事維虔夙夜清燎火初升

鑾馭近爐香細拂

袞衣行思成不假橫汾曲卜福何須泰時名穆穆鑒
觀原不遠祈年總是爲蒼生其四

松杏開基燕翼隆嘉祥鍾毓集

皇躬輝煌金鑑圖書秘肅穆瑤階簾業崇瑞輯熙時修
秩望旌揚吉日賦車攻

萬年有道稱繩武穰簡綿綿祝華嵩

其五

聖孝光天海宇聞

慈闈尊養清溫勤凋輿齊度瑤池月珠幄長依

玉陛雲萸英方添陽律潤筵蒲自扇曉風熏祥烏馴

雉嘉徵應婉美虞周是我

君

其六

憶昔趨隨侍從班舞干親覲兩階間

廟謨蚤定饒歌奏邊檄方馳露布還

乾象昭融新日月坤輿恢拓舊江山阪泉涿鹿功俱永

化景舒長徧八寰

其七

卷七十二
久除苞蘖靖戈鋌

方畧重頒朔漠編鐵馬遙馳嘶凍雪玉鞭徐指湧靈泉
挂弓萬里天山外勒石千秋瀚海邊玉帛祇今
諸部集歡呼獻

壽向春筵其八

奎垣朗耀拱文昌天授神奇邁百王厯象欽崇
堯典命時幾懋勅舜歌颺義林薈萃瓊霄迥學
海迴環鳳沼長自是

聖朝嘉祉盛千年龍馬又呈祥

其九

龍行光賁五雲車黃繖前頭拱

御書絢爛宮牆尊黼黻琳瑯嶽瀆重璠璣翔鸞翥鳳神

俱運垂露懸針意有餘拜

賜驪珠真異數榮光奕奕照蓬廬

其十

海甸欣逢

法駕臨省方問俗戴

恩深金堤懸望

龍旂色碧水長留

鳳蹕音花柳風妍披

御藻桑麻膏沃挹

宸襟年來齋沐芝壇會祇秉焚香五夜心

其十一

九河底績禹功高澤國猶煩

眷顧遙淼淼三江咨故道茫茫百瀆匯長橋空州已徙

羣鴻宅夾岫都忘兩鵲謠

詔發金錢誠曠典籌添海屋會今朝

其十二

皇心重本軫三農渙號頻年下

九重總爲閭閻充積貯不緣庾廩費租庸寒消紫陌
風雷協氣轉青旂雨露濃此日謳吟敷率土荷

恩最渥是吳儂

其十三

東井星輝泰運開喬皇雲漢正昭回波澄徧結
珊瑚網林廣多收梁棟材藻火文明臨藝苑斗
牛光氣拂塵埃作人

帝德深如海

萬歲聲中詠有萊

其十四

恩溢寰區保太和慈雲晝靄蔭金坡
每同夏后懸乾鐸

嘗等商王解網羅

鳳詔銜來興鼓舞雞竿樹處沛滂沱

一人有慶民胥賴貫索星消聽頌歌

其十五

穆皇大度秉淵兢保泰持謙道岸登俗躋雍熙

殷

帝訓

躬兼神聖謝

徽稱形容駿烈知難罄比擬鴻謨見未曾仁讓風期淳

古上羣工拜手共銘膺

其十六

瑞靄氤氲上綵旃青陽協令正芳年花明玉砌

春輝暖鳥嚙瓊枝曉仗妍梵宇三乘翻貝葉蓬

山五老貢珠編鳬趨鰲抃情何極心似葵開向

九天

其十七

雲衢鴻漸慶昌期瓦礫兼收沐


聖慈橐筆舊慚趨

禁掖校書重忝遡江湄含容真覺乾坤大培養還同

草木滋就日瞻雲偕野老攄誠敢賦祝釐詞

其

十八



萬壽盛典初集卷七十二

欽定四庫全書

史部

萬壽盛典初集卷七十三至六

詳校官宗人府府丞_臣寶光羅

編修_臣程嘉謨覆勘

總校官知縣_臣楊懋珩

校對官學正_臣李巖

謄錄監生_臣蔣繼煥

欽定四庫全書

萬壽盛典初集卷七十三

歌頌十三

詞臣五

聖壽無疆頌

有序

候補翰林院侍講

臣楊名時

臣聞乾元行健而貞恒之體常運於穆清天德
大生而保合之和日滋於氣化唯聖人與穹蒼
而同量斯厯數自悠久以無疆欽惟

皇帝陛下

至誠得天

賈聰作后

冲齡御宇照臨并日月之升恒

妙道乘權鼓舞叶雨雷之潤動

揆文教而奮武衛北邊南徼登衽席者自耆耄以逮

童孫

飭吏治而育賢才庶士羣工頌菁莪者閱歲年而踰

累紀

皇澤溥矣蕩蕩乎民誠物阜既敷天享五福之徵

聖德洋洋皞皞乎上恬下熙且率土效三多之祝歲維
癸巳月屆丙辰龍蛇啓蟄而暖動旌旗離坎交
輝而和含律呂欣際

六旬之嘉慶兆

景命於萬年快覩

初度之昌期洽歡情於億姓奉琛獻賁朝宗遠集殊方

航海梯山抃舞爭趨

魏闕天開日霽喜氣接乎穹旻景淑風和榮光溢乎

寰宇臣生逢

盛事欲揚功圻美而莫罄形容樂紀休徵思祝嘏陳

釐而未工頌禱惟是深窺集祉凝祥之本仰見

體元敦化之衷良由

陽德方亨應乾乾於易象

仁心為質達亹亹於文思是以精神之運量根於性而

命亦同符廣厚之滋培
乘乎理而數亦兼得如
川方至名和悉自

宸修積日彌崇歛福端存

皇極爰上撫

高深之萬一用稍抒稱願之涓私詎敢慕卷阿彌性之

賡庶幾康衢擊壤之詠云爾謹拜手稽首而獻

頌曰

天眷

皇清篤生

聖主貞元交會如日當午前有陶唐世以千數我

皇之興實接其武論德則均稱勲維侶

天心佑之用秩厥祐厥祐維何永馭兆民薄海內外罔有

不臣戴之如天怙之如親

鴻號煥赫曰聖曰神螽斯麟趾蟄蟄振振春秋鼎盛方

當向晨癸巳三月庚申初周既望四日華渚虹

流萬方咸喜巷祝衢謳內自

京畿下訖方州士民呼抃童叟携遊

恩膏旁霈罔遺溘陋樂以天下福被九垓沐浴詠歌
僉曰盛哉邁迹漢唐比肩虞邵翳福之隆

皇躬是培成性存存道備德該臚陳梗畧紀厥由來維
皇懋敬有翼其臨中心無為澹泊湛深戶牖盤帶咸揭
銘箴夙夜基命式玉式金嚴恭昭事時勅靡謚
幾康協止穆穆惛惛維

皇天縱研精經旨義文周孔

睿思徹髓游情書數超悟神理子史旁羅存真絕似源
若江河沛乎無涘膏潤所漸八表霑被多聞建
事道積身修明物察倫與舜為儔大哉尊養

寢門視羞慈比姬朝式穀貽謀惇叙勸親九族蒙庥
家邦四海愷惠油油知人則哲建官惟賢官府
中外罔有異焉公忠賞錄僉壬屏捐

離明兼照用中以權勵世磨鈍陶冶轉旋法廉輔治
人樂堯天

宵旰憂勞不遑食息罔飾服御以裕民力

賜復蠲租積貯屢飭恤兵惠商詎惜萬億慮遠計周
不動聲色八荒雖遐如在閭閻謂國之脈係於
輓輸維河與漕表裏相需

親臨詢度爰定

訏謨指顧功成泛溢無虞昔之澤國變為膏腴農人
有秋載歌黍稷赫赫

皇武高於華嵩始定逆藩

廟算昭融濯征漠北

聲靈益隆海隅日出正朔咸通含生負氣畢荷帡幪

震耀古昔傳世無窮我

皇右文宏闡儒術崇聖褒賢俾知統壹訪求後裔世子

清秩禮儀之備前代罔匹愛育人材宣幽導鬱

比戶歌風談經接膝

帝心詳慎尤恤於刑既定律例復致丁寧原情準理虛

中以聽矜疑流宥寧失不經吏咸秉德犴獄草

青溢作嘉祥至治升馨

帝念耆舊時降

溫綸禮遇有加錄及子孫下逮庶老粟帛是分典繼
虞周齒貴賢尊舍和飲淳不知所云扶杖觀化
俗返炎軒至德不德

皇惟守沖不受尊號不襲登封度越百代為帝者宗緬
彼陶唐克讓允恭民無能名孰罄厥功

帝力何有泯然與同亶惟

皇猷烜燦顯懿運世於掌若身使臂曷由而然匪恃才智以敬以誠曰德曰義何幽不燭何艱不易得一而貞參天兩地天行曰健我

皇體之自強不息百志惟熙剛中居正罔有騫虧純粹以精昭假遲遲受命式固徧德羣黎自我天覆同躋壽祺大德曰生我

皇是東淵默垂衣不事威猛寬平優遊化日舒景民登春臺方外延領

大君仁壽立極主靜順則從心披熏晝永

天錫

皇祉保艾自身荷祿綿遐日盛月新九齡神畀期頤聿
臻坐致舜年則百斯旬奄逾堯歷八千為春時

萬及億自天用申

臣

昔簪筆鵠侍

帝旁乾坤之容日月之光涵育照臨奚能測量茲逢
誕彌稱

萬歲觴載賡純嘏永熾而康仰瞻

雲漢倬亘為章

萬壽盛典初集卷七十三

欽定四庫全書

萬壽盛典初集卷七十四

歌頌十四

詞臣六

聖壽萬年普天同慶詩

七言律八首
有序

左春坊左諭德兼翰林院修撰

臣鄭開極

臣謹按周易恒卦之象曰聖人久於其道而天

下化成蓋自古帝王乘乾御籙必上協天心久
膺天命斯政教翔洽治定功成而頌聲作求如

我

皇上之德壽兼隆功業巍煥則信乎前古後今之所未
有者也臣開極叨中順治十八年辛丑科進士
特授庶常讀書中秘五十餘年備悉我

皇上聖德神功嘉謨善政誠非史冊所能詳書敢竊誌
其大者仰見

皇上之德與天地同其廣大

聖壽即宜與天地同其悠久質之書傳確有明徵固非

徒為頌美之文而已蓋帝王之德莫大於仁孔子之言曰仁者壽我

皇上仁覆萬方恩膏淪浹蠲租免賦累年至數千萬而雨暘豐歉無刻不在

宸衷大案必慎株連人命覆詳至再即如三逆平定寬宥者至數百萬人且

恩及屬國蒙古朝鮮歲稔見告而水運陸輸大宏賑賚涖水千村龍庭萬帳無一人不在生成之中甚

者至於

御膳天庖皆有常經不容濫取歲所全物命以數千萬計此其好生之德與天地同仁固宜與天地同壽也帝王之德莫大於孝孔子稱舜之大孝曰必得其壽我

皇上孝奉

兩宮承顏養志無一不周上體

列祖之心繼志述事無一不至甚者每歲

萬壽聖節篤念

慈和皇太后之劬勞五十餘載中外臣庶再三敦請而

陞殿受賀僅一再舉此

皇上之孝邁於舜之五十而慕則

聖壽不又有百倍於虞舜者乎帝王之德莫大於誠中
庸言至誠無息而曰悠久無疆我

皇上之誠於勤政也庶務必周庶官必飭深宮宵旰念
茲在茲其誠於舉賢才也則選擇必公搜羅必

廣甚至於薄技微長無不旁收博採其誠於體
羣臣也則不獨欲保其身家兼欲曲全其名節
其誠於子庶民也則不徒以賑饑肆赦取煦育
之具文而必使惠徧澤均有利賴之實濟是我
皇上之精神念慮無一息不在蒼生而萬國臣民傾心
愛戴共切

萬壽無疆之祝有不為天地神明所眷祐者乎帝王之
德又莫大於敬周武王之銘曰恭則壽我

皇上於

郊

廟之饗必躬必肅至於闕里岱宗暨前代帝王靡不虔加
敬禮褒祀尊崇功業蓋宇宙而泣事時存執玉
捧盈之心樂利徧海隅而臨衆時懷載舟馭朽
之戒其兢業之心與天地同其不息則與天地
竝其無疆又孰非理數之必然者哉至於旁通
游藝則書兼八法之長算擴九章之奧球圖叶

璇璣之秘玉律調鐘呂之和其尤卓絕古今者
神謨獨運則安攘奏功

玉輦親臨則平成底績此其開物成務制作垂於萬
年又非愚賤之倫所能蠡測者也臣海濱豎儒
年七十有五矣幸生我

皇上仁壽之世得以飲和食德年雖將耄而耳目手足
猶能勉力修途匍匐五千餘里一瞻

闕廷自慙弇鄙不文不敢謂隨平格之老共賡天保

九如之歌庶幾附擊壤之民聊抒華封三祝之
願不揣為詩八章以

獻

華渚祥開蔚彩虹徇齊天縱仰

宸聰冲齡便裕安民志久道真成保泰功五十二年膺
寶歷百千萬禩祝喬松史臣珥筆賡堯典蕩蕩

誰能寫化工

其一

南極熒煌表瑞徵臣民共覩日方升

三朝嘉慶

庭闈喜萬國歡心色養承禮樂修明神格享馨香祈賽歲

豐登

皇心永念艱難業夙夜貽謀燕翼宏其二

乾健貞恒萬化成

聖功無息應天行談經清晝儒臣接析理中宵大道明
統遡羲軒紹舜禹文宗孔孟表朱程體元居正
垂裳日朝野難將

至德名

其三

聖學淵深竝典謨龍章鳳采炳寰區日華麗藻光

宸極雲漢昭回貫斗樞詩邁三唐成雅頌書兼八法冠

歐虞柏梁叨與昇平宴猶憶賡颺

玉殿趨

其四

盛德鴻功耀簡編仁風膏雨徧

堯天蠲租春滿寰瀛外解網氛清貫索前四國桑麻成

樂土萬家燈火慶康年鸞笙鳳吹稱觥日好譜

衢歌入管絃其五

虎畧龍韜

聖武雄貌貅百萬鎮寰中
櫓槍久掃妖氛靖車騎來庭
塞漠通春狩飲飛還試馬
夏苗太史祇占熊應
知赫濯聲靈遠薄海銷兵
早掛弓

其六

聖世恩威徧海隅時雍化洽盛都俞
龍堆萬里銷烽燧
鮫島千村入版圖績邁漢唐成偉烈
德侔姚姒
拓鴻謨年年職貢修
王會銀甕金車接九衢

其

七

六合清寧

帝道光箕疇符應備禎祥春回花甲時方泰歷紀龍飛

運正昌入覲萬方陳玉帛貢琛八表萃梯航小

臣趨

闕隨嵩祝

聖壽同天願更長其八

萬壽詩

七言律八首
有序

原任左春坊左諭德兼翰林院修撰兼職河工効臣楊大鶴

臣伏見我

皇上御宇以來敬

天法

祖加惠元元恩溥德澤化成久道五十餘年如一日歲在

癸巳春王三月恭遇

萬壽六旬中外臣民詣

闕朝賀者爭先恐後而遐方士庶頂戴

皇仁皆隨地效華封之祝臣大鶴自江南進京三千餘

里所見郡縣村落焚香結綵兒童黃耆抃舞呼
嵩絡繹於道而我

皇上特霽德音謂萬姓安即朕之安天下福即朕之福

大哉

皇言

臣在路聞

詔目覩民間歡欣踴躍無不同聲曰

一人安即萬姓安

一人福即天下福上下交孚君民一德猗歟休哉雖古

二帝三王之治蔑以加矣

臣

大鶴父子祖孫一

門三世受

恩深至感激倍常茲幸隨耆老後叩祝

萬壽不揣蕪陋謹賦長句八章以道羣黎百姓齊願

聖天子億萬年受天景命悠久無疆之意詩曰

粵若陶唐癸巳春衢謠華祝世風淳

臣謹按綱目前編堯

時衢謠華祝
皆在癸巳載

聖皇丕啟中天運

寶算欣逢大慶辰
比戶可封歌

帝力萬邦胥協頌

堯仁勲同鳳紀還相合
從此貞元萬萬巡

其一

帝御鴻圖始六旬
八方元氣拱

丹宸近光咸欲親

天子斂福還將錫庶民
治化每占星象應禎符
長共歲

華新

皇心主靜常無斁建極綏猷政事醇其二

惟

天輔德佑吾

君德盛彌承

帝眷殷

恩沛九州蠲壤賦科開

萬壽蔚人文財當既阜彌崇儉民已俱安更克勤儉乃

有常勤可久物遊化日盡含欣

其三

河出榮光燭九天

小臣

親見自河邊瑞雲浮處

波濤靜休氣騰時景象妍春泛桃花含解澤秋

滋玉黍兆豐年一從九曲安流後愈卜

皇朝壽歷綿

其四

神功治水善隄防

指授全由

帝省方淮甸六巡勞

玉趾江城三度覲

雲光

臣在河工謁見
鑒與者三

平成共仰

宸謨大清晏懸知

鼎祚昌澤國盡看成沃土年年擊壤慶天長

其五

百舍星馳謁

帝京長途歷歷見輿情千村綵幔連瓊樹萬縷香煙接
鳳城法曲仙音紛滿耳龐眉秀髮盡登程無分遐邇

同歡忭久道貞恒驗化成

其六

輦下遙聞賀

聖躬

特宣異命示謙冲
祈天祇願羣生遂受祉
惟期四海同
普合臣民為一體
永圖樂利切

宸衷

皇言甫出爭傳頌
喜聽歡聲溢道中

其七

芳時百物荷春暄
小草傾心倍感

恩微力深慙輸犬馬

殊榮何幸及兒孫

壬辰科臣子祖楫暨臣姪孫士徽俱蒙

恩賜

進士出身

三霄濃露涵

選授庶常

雙闕一寸丹忱戀

九閭今日敬隨耆老後躋堂共進

萬年尊

其八

萬壽詩

七言律五首
有序

繪還原品原任日講官起居注左春坊左諭德

臣

秦松齡

欽惟

皇帝陛下

建極中天體文武聖神而作則

握符御宇統元會運世以為年

合萬國而承歡聿隆孝治

軫一夫之弗獲丕布仁慈肅官方則大法小廉敷文

教而東漸西被震風霆於異域海不揚波蕩氛
侵於崇朝野無鳴柝爰逮黑齒雕題之俗咸致
白環銀甕之祥茲者歲紀昭陽律占姑洗仰

春秋之鼎盛值甲子之初周籌鶴算於三千方茲未艾
計椿齡於萬六詎足云遙慶洽堯階歡盈禹甸
況乃蠲租載霈感

兌澤以宣流造士彙征樂

興風之鼓動蓬茅生色葵藿傾心臣舊忝朝班夙慙

報効晚棲隴畝益荷矜全

寵賁林泉榮施翰墨

恩既隆於山嶽喜更溢於家門幸際

昌期敢辭駑鈍龍鍾鶴髮重依

日月之光竭蹶鳬趨庶効

華嵩之頌躬陳蕪末自託封人臣無任踴躍歡忭之

至謹拜手稽首而獻詩曰

序轉陽和淑景舒星瞻南極煥

宸居欣逢薄海稱觴會正值

深宮視膳餘雲母屏開花隱隱水晶簾捲日徐徐上林

果熟三千歲知是瑤池燕喜初

其一

學富嫿嬛本六經心傳精一啟虞廷山龍黼黻
皆成象几杖盤盂總勒銘貫串珠囊研五夜編
摩金鏡燭千齡

皇情最是關民事教寫幽風入

御屏

其二

康衢化日誦聲長

賜復綸音出未央頻見

九重施惠澤早聞四野樂豐穰杏花萼葉原頭麥細雨
柔風陌上桑晝永綠窓添線後盡繙錦字織無
疆其三

天保陳詩喜共賡況聞

新詔下延英龍墀露濯千章柳鳳律春調百轉鶯
校書隨太乙錦袍飛韻叶長庚橫經舊日青衫

士留得張蒼與伏生

其四

簪筆螭頭侍從臣荷衣猶戀屬車塵曾隨擊壤

迎

鸞輅又逐呼嵩望

玉宸彌覺

恩波垂似續深慙世掌在絲綸何當重沐金莖露冰雪

陳根也自春

其五

聖德如天詩

七言律八首
有序

原任左諭德今候補

臣魏學誠

臣聞壽丘表軒轅之瑞感神電之流樞璠光紀
顓頊之祥兆彩虹之貫月蓋聖人御宇雲物煥
其休徵天子垂裳乾坤昭其順應況夫鴻圖廣
大萃千百國之車書寶厯綿長衍億萬年之統
緒生民未有振古為昭欽惟

皇帝陛下

道冠苞符

心涵疇畫

履五位而首出

集千聖之大成

至德難名巍乎聖文而神武

淵衷廣運允矣緯地而經天

以天下養

慈闈大德者得位得祿得名得壽

用時巡為侯度悅服者自南自北自東自西

文治光華雨露深而菁莪滋盛

聲教赫濯風雷震而兵甲全銷

宏浩蕩之仁免賦蠲租數盈萬億

廣生成之德省刑肆赦恩曠古今地平天成

睿慮周而兩河底定小廉大法

天語重而庶職寅恭瞻河嶽之與日星制作發先天之

秘自洙泗以及濂洛表章極重道之心典謨經

史之書咸窮閭奧律厯辭章之學悉挾精微

寶墨淋漓紙上作烟雲之氣

天章璀璨毫端仰鸞鳳之翔總由

聖德日新兼之多能天縱普天慶溢率土歡騰茲當

聖壽六旬正誕之辰恭逢

景運五十一年之盛維時民誠物阜觀久道之化成海

晏河清樂昌期之再見合殿之香風乍轉宮樹

花深中天之淑景方新上林春永獻

壽益於九重闕下奏

天樂於五色雲中燕慶龍光儀來鳳舞雖

聖天子謙尊而辭祝頌總未忘宵旰之殷而我臣民歡

忭以效嵩呼竊願學卷塗之詠

臣生逢

盛代世受

隆恩猥以下材疊霑

異數一思舊笏夙夜之愧悚彌深濫附清班拜舞之賡

歌欲效仰見

如天之德莫罄贊揚敬成祝

聖之章深慙鄙俚

一人有慶偕斯民斯世咸登壽域之中萬國同歡即不
識不知亦在康衢之內云爾

聖德如天壽亦同瞻

天仰

聖盡呼嵩包含宇宙中和氣涵養

皇王道德功曠世難逢堯舜

主前徽不數漢唐風更教萬世登仁壽盡在精神保合

中 其一

聖德如天壽自侔萬年甲子此初周道隆孝治超千古

澤沛恩波徧九州仙草似知堯歲月大椿敢擬

聖春秋

天顏咫尺欣開霽紫氣紅雲繞鳳樓

其二

聖德如天壽竝長歡呼稽首頌無疆心傳道法宗先聖
言出絲綸賚萬方每為蒼生勞旰食還從恭已

仰垂裳擬將金鏡千秋錄用佐瑤池萬歲觴其

三

聖德如天壽等倫維皇眷命自重申九天佳氣浮雙闕

萬國歡心奉

一人川嶽精靈齊獻瑞羲軒世界總如春星雲燦爛聞

占奏南極光輝近

紫宸其四

聖德如天壽復然從知精一有真傳心同日月無私照

福與山川共亘綿刑措兵銷成至治天長地久
祝遐年得生

盛世臣何幸親見堯階與舜絃其五

聖德如天壽域開九重宮闕近蓬萊日星河嶽瞻

宸翰禮樂文章仰

睿裁丙夜尚勤天下事講筵常見

聖人來萬年枝上花如錦知為

君王獻壽盃其六

聖德如天壽與齊天光近處五雲低河山長拱瑤臺北
麟鳳時遊上苑西耕鑿歌曾聞擊壤梯航貢直
到雕題宏敷雨露霑濡徧又仰丹霄降紫泥

其

七

聖德如天壽益高春深閭闔映仙桃士霑異數菁莪化
民沐深仁江海濤縈繞香煙浮劍佩鏗鏘仙樂
動雲璈受

恩獨有

微臣

重欲效賡歌愧彩毫

其八

萬壽盛典初集卷七十四

欽定四庫全書

萬壽盛典初集卷七十五

歌頌十五

詞臣七

萬壽詩

七言律三十首
有序

左春坊左中允

臣陳世倌

欽惟我

皇上御極以來乾行不息聖德日新恩澤徧於八垓勲
業隆於萬世雨暘時若海宇乂安用能感名

天和綿祚永久今康熙五十二年三月十八日為我
皇上六十萬壽聖節天輝日麗氣淑風和百官萬民之

衆九州六合之廣咸瞻望

闕廷歡呼抃舞

臣世受

國恩誠積於素言莫宣心方當春陽發育萬彙昭蘇
勾萌胎卵之屬皆有以自達矧

臣備員史局纂

修

政治典訓沐浴

聖化已久可無稱述上荅休隆用是不揣舛陋祇就管
見所及頌揚萬一以明德足致福聖必得壽之
理謹依韻恭撰

萬壽詩三十章臚列如左

聖壽 一東

日華雲燦正天中

聖主當陽德位崇甲子三千周復始春秋萬六永無窮
仙葩繡合昇平字玉軫絲調解阜風海宇一家

真浩蕩

紫霄垂拱聽呼嵩

敬天二冬

齋祓

郊壇

命秩宗金輿雲護駕飛龍香升彝鼎陳琮璧樂奏鈞韶
振鼓鐘全盛臣民膺景福屢豐時歲報先農

聖心久與

天心契感召緣知萬事從

法祖 三江

舊章纘述可經邦實錄

三朝燦寶窗德合聖神元莫竝身兼創守本無雙明堂象
管歌純嘏下國共球頌駿厯百世百王遵道法
源流直比溯岷江

聖學 四支

聰明睿知作

君師天縱神靈表異姿學集大成宗至聖德超無外接
皇義金聲玉振中和備月窟天根動靜宜十六
字傳真道統心源千載紹伊耆

聖孝

五微

獻壽

慈寧戲舞歸山龍還學老萊衣避煬時奉居涼殿罷獵猶
聞侍瑣闥萬國歡心尊養至

九重孺慕古今稀祥烏甘露呈嘉瑞孝德千春史冊輝

勤政 六魚

昇平有象穆清居不息乾行運太虛
旰食宵衣

勞
黼座巡方省俗徧

皇輿覃敷文教彌勤學廣育英才更著書
民隱每殷前
席問雞人夜半啟雙魚

節儉 七虞

登三咸五溯軒虞儉德淳風播九區
布素躬親

常澣濯茅茨坐理戒雕鏤露臺每惜中人產照
乘何須徑寸珠金玉雖陳惟寶善喜看童叟樂

康衢

謙德八齊

君王神武絕攀躋翹首清霄莫可梯峻德如天羅萬象
虛懷似海納羣溪八絃重譯聞風至百辟連章

伏

闕題

聖志謙冲光日月無疆頌禱徧羣黎

寬仁九佳

保赤誠求繫

聖懷春風到處潤根芽德洋恩溥羣生被物與民胞衆
志諧推置腹心聯一體崇隆肱股似同儕堯仁
禹讓包涵廣測量乾坤未有涯

用人十灰

為章雲漢賦昭回六位時乘握斗魁瑞輯虞廷

班岳牧美調商鼎聚鹽梅賢關大闢明聰達廣
厦宏開杞梓來鳳在梧岡麟在囿巖廊碩輔總
良才

引見十一真

郎官班列應星辰一體無分内外臣詢事考言
歸藻鑑量材絜德荷陶甄鸞書夕引來青瑣

鳳闕朝趨拜

紫宸寅亮天工咨百爾

聖皇長御萬千春

時巡 十二文

行宮處處散椒芬

輦路逶迤淑氣薰百隊花間移豹尾

六飛雲際現龍文恩波海濶千郊徧

天語春溫萬姓聞南國長年同望幸向陽草木亦欣欣

治河 十三元

功侔神禹溯河源指授親勞

萬乘尊始鑿龍門通大夏直探宿海接崑崙黃淮已見
神謨奠青冀重寔宅土恩西被東漸南朔暨萬年聲教

普乾坤

尊至聖

十四寒

我我章甫集儒冠噦噦鸞聲戾杏壇典制有加
勞九拜美牆如見肅千官備聞聖道真源合特
進生徒禮數寬師表永當垂萬世

奎文光射斗牛寒

明正學 十五冊

朝宣

玉旨下天關
徽國初升十哲班
集自

皇衷親考証文經

御筆手增刪
淵源百代詩書裏
模楷千秋俎豆間
海宇

共知崇正學
辦香多在紫陽山

宸翰 一先

雲成五色墨痕鮮
鳳翥龍翔體自然
法效結繩

希上古心摹義畫契先天毫端萬象煙霞繞筆
力千鈞琬琰鐫

寵錫臣鄰欽世寶光躔星斗盡高懸

右文二蕭

金石搜羅萃

聖朝萬幾餘暇對宸宵酉山討論心彌切甲帳圖書手

自標經學獨隆超漢代天文丕煥邁唐堯玉函

瓊笈皆仙籙永夜星鉉徹紫霄

治歷三着

羲和申命朔南交太極中涵列卦爻勾股三乘
窮造化渾儀萬象燦元苞璣衡剖晰周天合黃
赤平量大地包佇看玉階生蓂莢歷成應有鳳
來巢

訓士四豪

煌煌

聖訓日星高尋繹逾知

睿思勞崇雅黜浮端士習戴仁抱義砥貞操千秋木鐸
嚴庠序百代金科凜譽髦為國樹人真本計聞
天羣仰鶴鳴臯

開科五歌

興歌棧樸與菁莪

萬壽恩開甲乙科秋榜先於春榜發杏林今比桂林多
禹門浪暖燒龍尾銀漢光騰擲鳳梭

聖祚日增才日盛重重玉笋侍鸞坡

平三藩 六麻

謨烈焜煌四海誇聲靈赫濯震荒遐雷霆破膽
摧三孽華夏傾心屬一家師出萬全皆

廟算風馳百徼靜邊沙櫓槍手挽天河洗瑞木都開四
照花

平朔漠 七陽

三征沙漠駕龍驤

聖主神威震朔方鑿齒雕題皆版籍燕然瀚海亦金湯

鴈飛暑月棲軍幕斗轉南天指劍鉞太學豐碑
千尺聳銀鈎鐵畫煥

宸章

邊防八庚

烽烟斥堠九邊清甘雨祥風沛

帝京挾纊共知春氣轉投醪齊拜

主恩宏明珠翡翠隨時貢天馬葡萄絕塞呈作翰作屏

無外警一心拱衛勝堅城

訓武 九青

如荼如火復如霆

禁旅聲威洽百靈居則為師出為將晝令談武夕談
經射弰久習工穿札兵法都知勢建瓴桑土綢
繆煩

審慮金戈偃息萬邦寧

獮狩 十蒸

旌旗韎韐彩霞蒸塞上秋高爽氣澄逐電千羣

驚逸驥拏雲百中羨名鷹紫駝白象連

行幄青兕黃羊積野塲手挽六鈞親射虎萬人呼噪

盡歡騰

御射十一尤

天成智勇冠神州巧力齊臻世罕儔畫的日圓
升玉帳雕弧月滿簇金鏃鼓音節處春旗展楊
葉穿時赤羽浮歌罷騶虞觀盛德歡聲雷擁徧
貔貅

重農 十二侵

元日青郊

法駕臨朱紘紺耜入平林農為邦本宜躬稼食乃民天
勝雨金千耦共耕

天子藉萬方深慰兆人心含哺鼓腹嬉遊日作息渾忘
帝力深

蠲賑 十三覃

十行詔內

渥恩覃

聖德真同造化參賑粟蠲租逾萬萬嵩呼華祝聽三三
博施濟衆過堯舜保合彌綸暨朔南履厚戴高
何以報惟歌富壽與多男

慎刑 十四鹽

剛柔允克濟寬嚴解網除刑

聖主兼德本好生時赦宥士能執法恥鈎籍星光貫索
天街暗膏雨園扉細草霑宇宙太和翔洽久萬

民惟祝海籌添

普天大慶

十五咸

五雲多處曳朝衫
萬姓嵩呼感至誠
南極降庭祥並集
西華瞻日慶非凡
雨暘時若人民育
功德巍哉金石鑑
癸巳王春同獻

壽小臣長此奏韶咸

萬壽詩 七言律十二首

候補左春坊左中允

臣黃夢麟

運際中天景象新

萬年天子首勤民
時雍風動純熙洽
海晏河清大地春

統一

皇輿恢八極
算綿寶厯協三辰
欣逢

聖誕初周甲
競擬岡陵拜手陳

其一

黼座煌煌每夙興
懋勤惟冀郅隆登
健行久與天同

運離照方當日始升

椒寢承歡賡燕及蘭宮介福詠川增羣知電繞虹流

瑞億萬斯年淑氣凝

其二

萬幾休暇擷羣芳好學多能冠百王演洛探河開道脈

編珠戛玉煥

天章書箋二酉琅函富墨潘千秋

寶翰香遙睇紫垣雲五色文明運啟歷方昌

其三

獨秉乾符執太阿削平羣孽靖干戈

天威遠播邊無燧

聖武遐宣海不波玉律大千開甲子金甌混一永山河

清寧萬古舒長日華祝聲連擊壤歌

其四

宸衷軫念在桑田比戶頻承雨露鮮共仰

至尊崇節儉長為兆姓計安全人遊化日光天下家在

春臺壽域邊自是太和元氣協陶然作息不知

年

其五

溫綸屢下澤覃敷率土淪肌更浹膚肆赦宏開三面網

蠲租還免十年逋含哺稚子牽裾舞挾纊期頤
荷杖呼瑞麥嘉禾歲其有陽春何物不昭蘇其

六

翠蓋曾經下九霄吳天額手覲

神堯觀河永使金堤固問俗長令部屋饒細草尚知迎

駐輦微波猶喜沐征橈江南望幸心殊切樂歲

家家祝

聖朝其七

際海蟠天設象胥聲名洋溢徧寰輿龍城萬里
圖

王會鳳冊千番譯

國書貢享每蠲方外物梯航特賜指南車照臨六合

光全被析木扶桑總比閭

其八

聖壽如天

聖澤隆作人棧樸慶芄芃十年再闢書升路萬載頻霑
樂育功期易春秋昭異數制兼文武表同風懸

知多士歡騰處奎壁光分斗極紅其九

卿雲復旦泰階平中外歡呼戴

聖明道在安民先察吏法嚴激濁特揚清乾元自是無
私照庶彙何曾有遁情野老年年歌

帝德獻芹亦欲效稱觥其十

羣工委佩稟

皇猷宵旰誰知保泰謀不假虛文崇

聖號惟將實德迓天庥堯咨舜啟同無逸禹誥湯銘總

勿休載考史書洵莫並直追皇古紀春秋

其十一

瓊島霞光護紫閭萬方齊進

萬年觴九城春色占天瑞四海祥烟接

御香德合貞恒長不老功成悠久自無疆

主恩愧乏涓埃報為祝南山日月長

其十二

欽定四庫全書



卷七十五

萬壽詩

五言律四首
有序

左春坊左贊善兼翰林院檢討

臣

范光宗

臣聞宅造化而開階同天之大轉洪鈞而育物
如日之升必有自强不息之乾行乃膺悠久無
疆之景厯蓋德福有相因之理而仁壽為必至
之符於是上帝生商之辰下臣祝堯之日冀階
氣敞盈庭進喜起之詞松棟風和薄海效君親
之戴紀泰階之甲子遞嬗不窮數皇極之春秋

循環無已則誠清寧合撰上下同流者矣欽惟
我

皇上

道合乾符

業光坤軸

篤生睿智作之君而作之師

懋建中和有其德而有其位察倫明物備經綸參贊
之才本身徵民裕輔相裁成之道若夫

廟享肅薦馨之典

郊禋崇報本之儀

定省無間於

慈闈

仁孝恒聞於天下

崇正學以宏教化宮牆知萬世之師

重先哲而覺烝民禮制立百王之法

參天地之化育四時行而百物生

正朝廷之紀綱庶績凝而五辰撫捐金發帑治河建
水土之功審律考音作樂通神明之德政莫大
於刑獄欽恤再三本莫重於農桑賑蠲稠疊興
一利必酌古而準今

命一官每考言而詢事居高明而照四海幽遠不遺當
宵旰而理萬幾細微悉識至於學該游藝

聖備多能搜萬卷於酉山闡修己治人之道研百家於
丙夜表開來繼往之功賦詩則酌雅稟經灑翰

則得心應手乃若金戈赫怒翦三孽而奠中原
玉鼓龔行環九州而登磐石察哈爾渠魁既殲
聖武孔昭厄魯特巢穴斯平

皇威遠暢戎衣一著垂永清大定之勲長轂

親征開累洽重熙之運猶且舉三驅之典文事與武備
兼修訓七萃之軍耀德共觀兵不廢萬方在宥
則

問俗以觀民百姓為心則道河而周嶽體乾健而無逸

却

尊號而不居於是九穀屢豐五刑盡措天人合應書軌
混同東西南朔胥歸祿位壽名兼得真所謂咸
五登三參天兩地者矣欣逢

聖壽六旬正值陽春三月五十二年之厚澤振古未逢
萬八千歲之洪基自今伊始內而公孤卿尹拜
手賡歌外而屏翰藩垣陳詞獻祝以至候月歸
琛之長占風輦賁之君莫不先後臯趨追陪虎

拜臣光宗賦材譾薄秉質顓蒙幸遇萬國咸寧
一人有慶舞庭歡踴未輸臣子之誠就

闕頌揚難名

高厚之德望聚奎於東井願獻壽於南山敬竭褊辭伏
祈

睿鑒謹拜手稽首而獻詩曰

鳳紀昇平歲

龍飛開泰辰

皇圖周宇宙

帝德統天人河應千年運
嵩呼萬歲春衢歌並巷舞處

處戴

尊親其一

睿智周寰宇神明出

聖衷道叅無極奧物育太和中
景色三雲燦車書四海

同萬方齊獻

壽長拱

紫微宮

其二

天子當陽日晴空朝旭臨遐方瞻廣大亘古仰高深輯

瑞文明象垂衣

聖主心南風時解愠靜拂五絃琴

其三

春色來天地明霞擁

袞裳臣民歌皞皞鳥獸舞蹌蹌甲子璣衡轉升恒日月

長三皇同紀歷

萬壽慶無疆

其四

萬壽盛典卷七十五

欽定四庫全書

萬壽盛典初集卷七十六

歌頌十六 詞臣八

萬壽詩

七言律六首
有序

左 春 坊 左 贊 善 臣薄有德

臣聞文思光被基洪算於蒼旻久道化成萃祥
符於紫禁御堯階而行慶瑞日再中坐松棟而
頌恩澄河一色於是天申五福運啟萬年惟聖

欽定四庫全書

戴壽唐典初集
卷七十六

神與文武兼全斯祿位共壽名竝永古今一致
理數必然欽惟我

皇上

聰明天亶

聖敬日躋

懋建中和盡本身徵民之道

緝熙學問得開物成務之能居廣廈而論唐虞闡明
政要臨講帷而表洙泗崇尚聖功禮莫重於

親郊展誠報本祀莫大於合禘備物薦馨有典必禋無
文咸秩承顏問寢歡心始自

內朝視膳奉卮孝理形乎寰海

六飛幸魯留

御蓋於尼山

萬乘升堂題

奎章於闕里更以開來繼往徽國有功因而重道崇儒
孔庭配食知人則指春秋冬夏得其官立賢無

方書判身言隨其器滋萌元氣則好生洽於民心弘濟烝黎則蠲賦周於宇內平成永賴興水利而建河防遠邇咸寧修文事而兼武備於是舞七旬之干羽整六月之車徒三葉蕩平九州大定朔頒狼望連鞬畏提劍之征費納鮫人異域際止戈之代具制作之道者操制作之權知禮樂之源者興禮樂之事乃至金匱玉山之蘊北堂東壁之藏五夜常披十行俱下賦詩則卿

雲晨露六經不刊灑翰則寶墨仙毫八埏皆燭
星辰自轉難參旭日之輝鐘鼓雖陳莫續春雷
之響猶且

省方問俗旰食宵衣開帑藏以犒軍聽鼓鼙而訓將以
無逸書

御屏以執譙却

尊號治無大小其慎其難政有後先盡美盡善遂乃神
人悅豫天地休明九穀有年四方無事翺飛蠕

動均霑訢合之仁畢雨箕風盡感資生之德今
茲陽春三月恭遇

聖壽六旬景福咸臻嘉祥薦委萬八千年之洪厯未足
頌揚千八百國之諸侯相從颺拜公卿陳天保
之詩父老進華封之祝以至黃支烏弋丹鳳朱
鷺莫不歸貢鴻臚書琛王會臣竊祿蘭臺備官
芸局舞庭巢閣濫叨

覆載之恩螽測管窺難名

高厚之德幸遇

一人有慶萬福來同敬獻里辭伏祈

聖鑒臣有德拜手稽首而獻詩曰

黃麾排仗日初東華渚虹光繞

禁宮香擁山龍文陞上風迴笙鶴慶雲中九門曉啟

千官入

萬歲歡呼五嶽同正與乾坤參久大繁釐戩穀彙

皇躬其一

睿算無疆始六旬永清函夏奠三辰

王風皞皞如天覆

帝德巍巍又日新

手定羣書倡正學

詔崇先哲覺烝民

鸞旂幸魯尤加禮九拜升堂俎豆陳其二

表裏山河萬里遙

皇威赫濯武功昭金戈撻伐蠻烟靜玉鼓龔行海霧銷

疆里版圖通異國共球

王會集

熙朝

高居遠望無遺照
猶為防河振玉鑣

其三

好生

聖德洽天淵
欽恤潛銷貫
索躔大賚滂洋成
解澤太平

悠久屢豐年
龍圖功烈登三五
鳳歷春秋越萬

千更飭官方
重廉法考言詢
事合宮前

其四

衢室

垂裳百度貞

萬幾偶暇玉函橫珠毫揮灑龍鸞舞

奎藻琳瑯雅頌聲

聖又多能原首出誠惟不息是乾行鴻符

崇號天人應尚執謙冲業愈宏其五

雲漢為章髦彥多作人雅化洽菁莪橋門士值

文明代殿閣臣賡喜起歌桃實千年乘泰運葵

心萬國沐

恩波祝

堯敬上升恒頌地久天長永太和 其六

--	--	--	--	--	--	--	--

萬壽詩

七言排律二十四韻
有序

右 春 坊 右 贊 善 臣 孫 勳

臣 聞之大雅嘉樂之詩曰嘉樂君子顯顯令德
宜民宜人受祿於天保佑命之自天申之言聖
人受天之祿而天命之申重保佑無有已時蓋
皆由其宜民宜人令德所致也而既醉之詩其
稱君子萬年者蓋長言不足而咏歌之至於反
復數四而不厭其言之重詞之複焉 臣 以是知

聖人在上躬大德而受天命於以長享景福至
於億萬斯年非天之獨私獨厚於聖人其壽一
人者亦所以福天下也則夫四海之內凡厥庶
民朝廷之上百辟卿士所由作為歌詩用申其
媚於天子之意非徒臣子愛戴君父為分誼當
然亦皆自幸其生逢聖世獲事聖君親覩太平
躬值盛事而歡欣鼓舞不能已於言也然自生
民以來聖人受命而興躬備令德以宜其民人

而致天命之申重保佑未有盛於我

皇上之聖德神功超越千古而

聖壽萬年與天無極者

臣

雖文詞鄙陋無能颺述

聖主功德隆盛之萬一然臣於康熙四十有二年癸未
之歲恭遇

皇上萬壽聖節嘗為詩十六章臚述

皇上文德武功恢乎無外縝乎無間之實而聲教所訖
東漸西被朔南咸暨含生抱質之倫沐浴

聖澤淪肌浹髓各遂其生各復其性無一物不得其所
之效迄今又十年

皇上德彌以盛功彌以隆海內臣民被澤亦彌以深且
厚今年春三月恭遇

皇上萬壽聖節當甲子之初周實多福之聿始惟願自
今以往

聖壽無疆更幾千萬甲子靡有紀極以永綏永福我兆
人則我兆人之至祝也況臣遭遇

聖主備員侍從垂三十年屢承

聖恩任使踰格其為感激舞蹈思欲發揚

聖主功德之隆盛以竊附大雅詩人萬年之祝者豈能

自己謹撰

皇上聖德神功萬壽無疆長句詩一篇從天下臣民後
誠歡誠喜稽首頓首上獻於

闕廷臣不勝踴躍歡忭之至其詩曰

聖皇集福錫臣民

萬壽無疆

天眷申極建中和興禮樂道隆作述見經綸春秋常盛精
神大甲子初周氣象新四海謳歌爭送喜萬邦
黎獻共惟臣

德誠蕩蕩名難定

功實巍巍古莫倫天縱聰明能更裕性成孝友行彌純
經文緯武光謨烈重道崇儒闢莽榛虛受不遺
一得細謙光轉益盛名臻

皇威有赫兵氛靖

帝道無頗風化淳
奏當再三心尚惻
蠲租鉅億歲常頻
英賢輻輳懷飢渴
宵旰勤勞忘苦辛
歲稔農人欣濟濟
時和家室慶溱溱
扶藜父老游膏澤
寬網禽魚沐至仁
周孔淵源遙脗合
程朱義解會精醇

勅幾餘暇魚游藝
書法天然自入神
和璧萬年輝日月
隋珠千古耀星辰

天文正大垂謨遠

聖訓精微示法諄尊合

君師參兩大

恩同顧復戴千春梯山航海嵩呼集擊轂摩肩衢頌振
祥驗軒櫺棲舞鳳瑞徵元圃見遊麟深春花柳
全呈麗重譯共球競獻珍仙仗曙開

金闕迥晴光曉漾玉河勻遭時丹穴多輝羽乘運天
池竝躍鱗齊祝吾

皇億萬歲普天長此荷陶甄

萬壽詩

七言律十二首
有序

原任右春坊右贊善兼翰林院檢討臣尤珍

臣聞唐堯德峻申三祝於華封夏禹功高畀九疇於洪範惟神靈首出萬年開有道之長斯福祿來同四海效無疆之頌欽惟

皇上德符健順治協清寧應歷挺生著繞電流虹之瑞握圖受御徵感樞貫昴之祥巍乎煥乎覩星雲之紉縵悠也久也仰日月之升恒五十餘載之

恩澤無窮億萬斯年之尊榮未艾茲值

聖齡初度適逢花甲方周

天佑

一人民歌

萬壽是日也律回姑洗風轉清明六宇澄鮮三台朗耀
佳氣浮而慶雲現和風集而旭日升閭闔晨開
周廬列衛軒墀晝靜羽仗齊班集劍佩於花間
羣分鵷鷺拜冕旒於日下競獻共球以至窮鄉

僻壤之民左食侮言之族莫不喜溢嵩呼歡騰
酺宴雲璈錦瑟聆雅樂於鈞天象管鸞簫奏仙
音於閨苑瓊漿玉露頻增九醞之觴火棗交梨
迭進千年之果覩

蕃禧之滋至信

純佑之重申此由我

皇上聖德神功文謨武烈民安物阜禮備樂和厚澤積
於寰區深仁洽乎黎庶故使家登豐裕戶慶盈

寧筐篚羣將梯航畢集人心之悅豫如此

天眷之崇隆可知臣幸際

昌期欣逢

景運仰瞻

黼座願年年垂堯舜衣裳共沐

恩波應歲歲樂唐虞宇宙不辭蕪陋敬效賡颺爰拜手

稽首而獻七言近體十二章以比於塗歌卷祝

云爾

聖皇福祿竝齊天

萬壽初周六十年紫氣氤氲浮殿閣紅雲縹緲映山川
桑疇日暖清明後麥隴風輕穀雨前好是艷陽

三月節百花香動玉爐烟

其一

盱食宵衣圖治深宮門聽政漏沉沉

皇言宣出音為玉

御筆批來字是金遂見

廟謨平海甸還聞民隱動

宸襟只今羣祝無疆壽誰識殷憂五夜心

其二

東西南朔皆中土侯甸要荒盡一家波靜鯨鯢
都偃伏風薰草木亦光華時清更廓輿圖大
主聖還逢運會嘉四海九州開壽域

堯天舜日正無涯

其三

巍乎功業煥乎文五十年来媿放勲德合欽明
常格被心傳精一鎮憂勤瞻雲就日思扶杖鑿
井耕田願獻芹華祝衢歌稱不盡嵩呼

萬歲自

天聞 其四

風清紫禁日初長
晝刻遲遲夜未央
文就典謨稽上古
詩成雅頌邁三唐
珠聯璧綴圖書富
鳳舞龍飛翰墨香
正是

勅幾清暇後宮庭
好進萬年觴 其五

天山瀚海路迢遙
於鑠

皇師下九霄
列隊羽林爭出塞
諸番卉服競來朝
降幡

豎立風聲勁汗馬騰驤雪影銷從此邊隅烽燧
息太平玉燭四時調

其六

艱難稼穡念民依節儉

皇風振古稀每自上方裁服御却令下里被恩輝蠲租
百萬禾盈野赦罪三千草滿扉

天錫我

皇仁者壽祥光淑氣徧郊畿

其七

百工師濟滿朝端思日孜孜襄贊難欲得良臣

求傳說常從舊學憶甘盤老成報

國輸忠蓋英俊承家奮彩翰天保鹿鳴胥燕飲千官

拜舞盡騰歡

其八

泰階文運自

天開日月光華雲漢回久賁徵車招俊乂重恢鎖院廣

英才春風桃李看花發秋樹梧桐待鳳來壽愷

作人弘雅化百年士氣荷栽培

其九

唐虞五載便巡行總為寰區軫

欽定四庫全書

黃高齋集

卷七十六

十六

聖情絕塞北來山雪淨大江南去海雲生豫遊遠道

皇躬健端拱深宮

睿慮清不盡吳民瞻望切春風思聽屬車聲

其十

別業周遭

禁苑西亭臺池館俯郊堤山容水色連天映鳥影花

枝入戶低喬木綴燈環作樹層樓懸錦架成梯

笙璫隱隱從空下玉露金莖仙掌攜

其十一

儀鳳遊麟在此時咸英韶濩奏

彤墀彭鏗斟雉方調鼎王母稱觴正賦詩藹藹光風
金殿轉悠悠化日玉階移從茲億萬千年內富

壽康寧福祿綏

其十二

萬壽詩

五言排律三十二韻
有序

國子監司業臣魯瑗

欽惟

皇上御極之五十有二年歲首三春典崇

萬壽虹流電繞

君師之誕育非常海晏河清臣庶之趨蹌畢集歡聲雷

動喜氣雲騰邃古以來於

今尤盛臣瑗幸生

聖人之世久廁侍從之班職貳成均躬逢

大慶極知乾坤廣厚無能竭筆墨以形容然仰日月升
恒竊願將愚誠為頌祝律賡三十二韻歷衍百
千萬齡謹拜手稽首而

獻詩曰

卿雲垂紉縵玉律歲長春

景運方乘午衡杓恰指辰太和由德召繁祉自天申

葵向傾

丹闕嵩呼上

紫宸無疆綿舜歷有秩溥堯仁天地同悠久

君王獨聖神

離明窺洞達

乾斷飭因循

淵鑑提躬密

澹寧體道真心思通一畫腕力運千鈞兩晉何能並

三唐孰與倫

文謨宣朔漠

武烈靖邊塵振旅惟三出歸師祇七旬

宵衣常問夜

盱食更崇晨雨雪封章奏耕桑几席陳焦勞方在抱悅
豫已同民輯瑞先吳越觀風逮晉秦

湛恩周蔀屋

大賚沛絲綸遺秉周原徧蠲租禹甸均

皇心通海宇

睿慮奠河濱砥柱功尤永安瀾績不泯

好生德已洽

行儉化彌醇錯枉羣情協褒廉正氣伸崇儒升配享
展禮潔明禋幸際敷天慶來充

上國賓吉人誠藹藹髦士益彬彬師濟瞻雲日休嘉

集鳳麟

九重周甲子八表戴

尊親萬福歸

皇極三多祝

聖人瑶池桃正熟寶甕露初勻

徽號文章屢

王言却秦頻巍巍高莫竝蕩蕩遠無垠

帝壽超千古參天仰大椿

萬壽盛典初集卷七十六